



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De contritione Theobaldi vsurarij Parisiensis, c. 34

urn:nbn:de:hbz:466:1-13177

93 DE CONTRITIONE

inquit, saluus fieri; hac nocte inter vermes istos nudus iaceas. Mira cōtritio: Ille, licet tale stratum nimis abhorret, verminibus tamen morituris immortales p̄ponens, tum timore gehennæ, tum amore cœlestis patriæ nudus se super vermes iactauit: Sacerdos vero arcā ipsam adjit, clausit, & abiit; quā die postera cū aperiuisset, nihil præter ossa hominis ibidem inuenit, quæ in porticu prædicti martyris sepulta, dicuntur rātæ esse virtutis, ut vsque hodie, nullus bufo terminos eiusdem viuis possit intrare. APOLLONIVS: Si eleēmosynæ vſurariorū vertuntur in bufones, reliqua eorū substātia quales ex se gignet vermes? CÆSARIVS: Vermes infernales, vermes immortales, de quibus per Isaiam in persona talium dicitur: Vermis eorum non morietur, & ignis eorum non extinguetur; & erunt vsque ad satietatem visionis omni carni. Subtus eos sternetur tinea, & corpora eorum comedent immortales vermes gehennæ, animas semper rodet vermis conscientiæ. APOLLONIVS: Potuitne ergo Abbas ille, de quo superius dictum est, ex pecunijs vſurarij fructuolas pro anima eius facere eleēmosynas? CÆSARIVS: Prius, sicut me memini dixisse, vſuras pro posibilitate restituit, de reliquo eleēmosynas fecit, hoc in isto factum non est: quod autem hoc liceat, ex hoc quod sequitur exemplo docebitur.

CAPVT XXXIIII.

TEmporibus Philippi regis Francorum, qui hodie regnat, erat in ciuitate Parisiensi vſurarius quidam ditissimus, Theobaldus nomine: hic cū haberet possessiones plurimas, infinitasq; pecunias ex vſuris congregatas, diuinitus compunctus, ad magistrum Mauritium eiusdem ciuitatis Episcopum venit, eiusque consilio se commisit. Ille vero cū in ædificatione ecclesiæ beatæ Dei genitricis Mariæ natus ferueret, cōsuluit ei, quatenus pecunias suas ad struc̄turam inchoati operis contraderet, qui huiusmodi consilio aliquātulum sibi suspecto adjit magistrū Petrum Cantorem, verba Episcopi ei insinuans; cui illud respondit: Nō dedit tibi bonum consiliū hac vice, sed vade,

vade, & fac clamari per ciuitatem sub voce præconis,
quia paratus sis restituere omnibus, à quibus aliquid
supra sortem accepisti. Factūq; est ita. Deinde rediens
ad magistrum, ait: Omnibus ad me venientibus, teste
conscientia, omnia restitui ablata, & adhuc supersunt
plurima. Tunc ille: Modò, inquit, poteris eleemosy-
nam dare securè. Retulit mihi dominus Daniel Abbas
Sconauiae, quòd ad consilium eiusdem Cantoris, per
plateas ciuitatis nudus in suis femoralibus incesserit,
seruo cum virga se impellente, accidente: Ecce iste est
ille, quē pro suis pecuniis principatus honorabat, qui
filios nobilium obsides tenebat. APOLLONIVS: Ex his
duobus usurarijs pleniū agnosco virtutem cōtritionis,
quia vt considero, de cuius corde fons eius scatu-
rit, nullus labor, nullus horror, nullus pudor, venas il-
lius obstruere valebit. CAESARIUS: Verum dicis, quia
contritio, quā timore parvæ pœnitentiæ exsiccatur,
fonte non habet vnde fluat. APOLLONIVS: Videtur mihi
usura multū esse defectiæ naturæ, quia raro ad ter-
tiam siue quartam illam durare videmus generatio-
nem. CÆSARIUS: Nō solū defectiæ, sed & cōsumpti-
uæ naturæ est, quia, vt dicis, in se celerius deficit, &
nō nunquā sibi admixta siue cōiuncta cōsumit. APOL-
LONIVS: Da exēplum. CÆSARIUS: Hæc quę dicturus
sum, à quibusdam Abbatibus ordinis nostri audiui,
sed nomen non retinui loci, in quo contigit.

C A P V T XXXV.

Vsurarius quidam, cuidam ordinis nostri Cellerario, quādam pecuniæ suæ summam com-
misit reseruandā; quam ille signatam in loco
tuto iuxta pecuniam monasterij reposuit. Postea cùm
usurarius depositum repeteret, Cellerarius arcam re-
serans, neque illam neque suam inuenit: qui cū vidis-
set arcæ seras intactas, & signacula salua sacculorum,
ita vt nulla esset de furto suspicio, cognouit, quòd pe-
cunia usurarij deuorasset pecuniam monasterij. Ex
quo colligitur, quòd per eleemosynā usuræ, monaste-
rij substātia non augeatur, sed deficiat. APOLLONIVS:
Magna sunt, quā dicta sunt de cōtritione, sed quæro,